

80

ANIVERSARIO
DEL PARÍCUTIN

Investigación Científica y Coordinación, Geofísica Instituto y
jardines, Difusión Cultural y Coordinación Literatura
y Fomento a la Lectura y Secretaría General,
Escuela Nacional de Estudios Superiores UNAM y
jardines y áreas de conservación ambiental
anteproyectos de ley

¡K'uínchie, Parícutini!

Intenidos volcanes y monumentos ya en sus 80 años de
antecedentes y a la vez se celebran sus 80 años de
antecedentes y a la vez se celebran sus 80 años de

Menahuate: Ismael García Marcelino, ENES Morelia

Fotografía: Gabriela Gómez Vasconcelos
Diseño: Alexa Santiago





¡K'uínchie, Parhikutini!

Ióarhip'erakua

Investigacioni Científicaeri Coordinacioni, Geofisica Institutoeri jarhoap'erata jimpo, Difusióni Culturalieri Coordinacioni Literatura y Fomento a la Lecturaeri juramukua ka Secretaria Generali, Escuela Nacional de Estudios Superioresi UNAMirhu anapueri jarhoap'erata jimpo ióarhip'exatiksí arini karakataeri antaperakuarhu inchamukuni

¡K'uínchie, Parhikutini!

Inteni volcanuni míntapariuani ia enka 80 uéxurhini antankutani jaka ka irieta p'urhepecharhu xani isí uinhanharhinhaka.

lámentu k'uiripu ixo anapu úati karakata ma úni pari Parhikutinini k'uínchitani ka jima uantakuarhent'ani na enka erankuarhek'a ka na enka irekuarhekua mót'akukuarheka inteni jimpo.

Karakataecha jimpot'sí uáka eiankukuarheni na enka volcanuni jimpo irekuecha mámaru járhant'aka. Úakats'í mámaru jasí ampe uantakuarhent'ani, k'o peru eska ménk'u xarharaaka eska jinteeka carta arhikata ma, turhisí jimpoksí arhisínka espistola, a (nani, káni ka nani enka uératini karanak'a, uantap'erata ka uantanuntskua).



Ts'imanka karakata arhiant'aaka ménk'u míntaskuarheri nanachi utusí ka p'urhe jimpo karariestiksí ka **enka ts'íma pakatperaaka 16, febreru jimpo uantanhant'aati**. Arhinskua ka intsímp'erata pari néicha enkaksí antani uéraaka miércoles, 22 febreru jimpo úkuarheati jima Congreso Parhikutini 80 Aniversario enka uánekua UNAMirhu anapu juramukuaicha Geofísica Institutoeri jarhop'erata jimpo Moreliaksí xanhatani jaka. Intsímp'erata pari néicha enkaksí antani uéraaka Parhikutini úkuarheni jauati.

Juramukuaicha:

1. Lámentu k'uiripu enka 16 uéxurhini jatiriika ia úati inchamukuni ia enkaksí jima uanontarhetini anapueuaka, nak'irukaksí máruiteru isí irekani jaka.
 - a. Michoacani iretiicha, úatiksí inchamukuni
 - b. Lámentu k'uiripu enka sani meni vulcanu Parhikutini isí irentakuarhepka, úati inchamukunit'u
 - c. Lámentu k'uiripu enka México uérakua iauani irekaka k'o peru vulcanurhu Parhikutini isí irekuarhepka sani meni, ts'ímat'u ístku
2. Karakata xánk'usí ióparhaati: Tanimu síranta ka teruk'ani, 700-875 uantakuak'u, no sánteru.
3. Karakata enkaksí sírantarhu mánharhikata jauaka (máquina o ják'i jimpo úntskata) úakats'í sobreirhu ma jatsirani ka Geofísicaeri Instituto Unidadi Michoacani péirauani, jima: **Antigua carretera a Pátzcuaro 8701, col. Ex Hacienda de San José de la Huerta, Morelia, Michoacán, C.P. 58190, México:**
 - a. Máteru jakankurhikua enka no cháriiuaka. Eskaksíni no ne úaka p'íarani ne enkats'í jinteeka (seudónimo arhisínkaksí)



8. Enka juramuti arhintstiicha pakatperaaka ne ka nesī antani uéra, no jarhasti pari támu isi uantani jarhani, imanisi úkuarheati, ka ts'imanka ixo inchamukuaka jatsistiksī pari juramukuaichani janhanharhiuani.

* * * * *

Ts'imi juramuti arhintstiichani erantakuarheaska jucha:

- Elizabeth Pérez Tzintzún, p'urhepecha uénhekua úntsti
- Rubí Tsanda Huerta, p'urhepecha uénhekua úntsti
- Sue B. Meneses Eternod, ENES-Moreliarhu anapu p'uhe jimpo jorhentpiri

Ióarhip'erata: viernesi 13, eneru ka martes 7, febreru jimpo jamperi

Pakatsperata: miércoles 15, febreru jimpo

Eiankperata: jueves 16, febreru jimpo

Intsïmp'erata: 22, febreru jimpo

Menanhakua: Ismael García Marcelino, ENES Morelia